

T-1

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst (“Službene novine Zeničko-dobojskog kantona”, broj 7/10 i 3/23), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 51. telefonskoj sjednici održanoj 19.06.2026. godine, d o n o s i

ZAKLJUČAK

I.

Utvrđuje se Prijedlog Odluke o davanju saglasnosti na Odluku Upravnog odbora Javne ustanove Centar za djecu i odrasle osobe sa teškoćama u razvoju Zeničko-dobojskog kantona broj: 05-03-11/26 od 18.06.2026.godine o pokretanju aktivnosti za pristupanje suosnivanju udruženja „Građanska zajednica obnovljive energije“ u okviru implementacije projekta „BIHREC – Bosna i Hercegovina Zajednica obnovljive energije“.

II.

Zaključak sa prijedlogom Odluke iz tačke I. ovog zaključka upućuje se u dalju skupštinsku proceduru.

III.

Donošenjem ovog Zaključka, stavlja se van snage Zaključak broj: 02-11-12288/26 od 19.06.2026. godine.


IV.

Zaključak stupa na snagu danom donošenja.

Broj: 02-11-12290/26
Datum, 19.06.2026. godine
Zenica

DOSTAVLJENO:

- 1x Ministarstvo za rad, socijalnu politiku i izbjeglice,
- 1x Stručna služba Skupštine,
- 1x JU Centar za djecu i odrasle osobe sa teškoćama u razvoju Zeničko-dobojskog kantona, putem Ministarstva,
- 1x a/a.



PREMIJER

Nezir Pivić

PRIJEDLOG

Na osnovu člana 37. stav (1) tačka f) Ustava Zeničko-dobojskog kantona Skupština Zeničko-dobojskog kantona na __. sjednici održanoj dana __. __. 2026. godine, d o n o s i

ODLUKU

o davanju saglasnosti na Odluku Upravnog odbora Javne ustanove Centar za djecu i odrasle osobe sa teškoćama u razvoju Zeničko-dobojskog kantona o pokretanju aktivnosti za pristupanje suosnivanju udruženja „Građanska zajednica obnovljive energije“ u okviru implementacije projekta „BIHREC – Bosna i Hercegovina Zajednica obnovljive energije“

Član 1.

(Davanje saglasnosti)

Daje se saglasnost na Odluku Upravnog odbora Javne ustanove Centar za djecu i odrasle osobe sa teškoćama u razvoju Zeničko-dobojskog kantona broj: 05-03-11/26 od 18.06.2026.godine o pokretanju aktivnosti za pristupanje suosnivanju udruženja „Građanska zajednica obnovljive energije“, u okviru implementacije projekta „BIHREC – Bosna i Hercegovina Zajednica obnovljive energije“.

Član 2.

(Svrha učešća u osnivanju udruženja)

Učešće Javne ustanove Centar za djecu i odrasle osobe sa teškoćama u razvoju Zeničko-dobojskog kantona u projektu „BIHREC – Bosna i Hercegovina Zajednica obnovljive energije“, odobrava se s obzirom da će realizacija aktivnosti usmjerenih na uspostavu zajednice obnovljive energije, instalacijom fotonaponske elektrane na objektu Poslovne jedinice Dnevni centar Visoko, doprinijeti unapređenju energetske efikasnosti i održivosti njenog poslovanja, stvaranju pretpostavki za racionalnije korištenje finansijskih sredstava, te posredno unapređenju kvaliteta usluga koje Ustanova pruža svojim korisnicima.

Član 3.

(Obaveze Ustanove)

Javna ustanova Centar za djecu i odrasle osobe sa teškoćama u razvoju Zeničko-dobojskog kantona obavezuje se da osigura da vlastito učešće u osnivanju i radu udruženja bude u skladu sa važećim propisima, osnivačkim aktom i statutom Ustanove, te da ne stvara finansijske obaveze za Budžet Zeničko-dobojskog kantona bez prethodno pribavljene saglasnosti Skupštine Zeničko-dobojskog kantona.

Član 4.

(Provođenje Odluke)

Za provođenje ove odluke zadužuju se Javna ustanova Centar za djecu i odrasle osobe sa teškoćama u razvoju Zeničko-dobojskog kantona i Ministarstvo za rad, socijalnu politiku i izbjeglice Zeničko-dobojskog kantona, svako u okviru svoje nadležnosti.

Član 5.
(Stupanje na snagu)

Ova odluka stupa na snagu danom donošenja i biti će objavljena u „Službenim novinama Zeničko-dobojskog kantona“.

Broj: /26

Datum,

Zenica

PREDSJEDAVAJUĆI

Ćazim Huskić, s.r.

O b r a z l o ž e n j e

I. Pravni osnov

Pravni osnov za donošenje Odluke o davanju saglasnosti Javnoj ustanovi Centar za djecu i odrasle osobe sa teškoćama u razvoju Zeničko-dobojskog kantona za učešće u osnivanju udruženja „Građanska zajednica obnovljive energije“, sadržan je u odredbama člana 37. stav (1) tačka f) Ustava Zeničko-dobojskog kantona, kojim je propisano da Skupština donosi zakone i ostale propise za izvršavanje kantonalnih nadležnosti.

II. Razlozi donošenja

Sarajevska regionalna razvojna agencija (SERDA) implementira projekat „BIHREC – Bosna i Hercegovina Zajednica obnovljive energije“, koji se realizuje u saradnji sa Regijom Emilia-Romagna, s ciljem uspostavljanja prve zajednice obnovljive energije u Bosni i Hercegovini. U okviru navedenog projekta planirana je instalacija fotonaponske elektrane na objektu Poslovne jedinice Dnevni centar Visoko, čiji je vlasnik Grad Visoko, dok je korisnik objekta Javna ustanova Centar za djecu i odrasle osobe sa teškoćama u razvoju Zeničko-dobojskog kantona. Ministarstvo za rad, socijalnu politiku i izbjeglice Zeničko-dobojskog kantona ranije je dalo pismo podrške realizaciji projekta, a Grad Visoko, kao vlasnik objekta, iskazao je spremnost za saradnju i podršku implementaciji projektnih aktivnosti. U dopisu Sarajevske regionalne razvojne agencije navedeno je da je za nastavak realizacije projekta potrebno pristupiti osnivanju udruženja „Građanska zajednica obnovljive energije“, kao organizacionog oblika putem kojeg će se uspostaviti i djelovati zajednica obnovljive energije.

Upravni odbor Javne ustanove Centar za djecu i odrasle osobe sa teškoćama u razvoju Zeničko-dobojskog kantona razmatrao je navedeno pitanje te zaključio da je, radi osiguranja zakonitosti postupanja i imajući u vidu status Ustanove kao javne ustanove čiji je osnivač Zeničko-dobojski kanton, potrebno pribaviti saglasnost Skupštine Zeničko-dobojskog kantona za učešće u osnivanju predmetnog udruženja.

III. Obrazloženje pravnih rješenja:

Član 1. Ovim članom daje se saglasnost Javnoj ustanovi Centar za djecu i odrasle osobe sa teškoćama u razvoju Zeničko-dobojskog kantona za učešće u osnivanju udruženja „Građanska zajednica obnovljive energije“ u okviru realizacije projekta „BIHREC – Bosna i Hercegovina Zajednica obnovljive energije“. Donošenje ove odluke potrebno je radi osiguranja zakonitog postupanja Ustanove kao javne ustanove čiji je osnivač Zeničko-dobojski kanton.

Član 2. Ovim članom definiše se svrha davanja saglasnosti i učešća Ustanove u osnivanju udruženja. Naglašava se da je cilj aktivnosti realizacija projekta usmjerenog na uspostavu zajednice obnovljive energije, unapređenje energetske efikasnosti, korištenje obnovljivih izvora energije i poboljšanje uslova za pružanje usluga korisnicima Ustanove.

Član 3. Ovim članom propisuje se obaveza Ustanove da aktivnosti koje proizlaze iz učešća u osnivanju i radu udruženja provodi u skladu sa važećim propisima, osnivačkim aktom i statutom Ustanove. Istovremeno se naglašava da učešće u projektu ne može proizvesti finansijske obaveze za Budžet Zeničko-dobojskog kantona bez prethodno pribavljene saglasnosti Skupštine Zeničko-dobojskog kantona.

Član 4. Ovim članom određuju se subjekti odgovorni za provođenje ove odluke, odnosno Javna ustanova Centar za djecu i odrasle osobe sa teškoćama u razvoju Zeničko-dobojskog kantona i Ministarstvo za rad, socijalnu politiku i izbjeglice Zeničko-dobojskog kantona, svako u okviru svojih zakonom i drugim propisima utvrđenih nadležnosti.

Član 5. Ovim članom propisuje se da odluka stupa na snagu danom donošenja, imajući u vidu potrebu hitnog provođenja aktivnosti na realizaciji projekta i poštivanja rokova definisanih projektnom dokumentacijom i zahtjevima donatora.

IV. Finansijska sredstva

Za provođenje ove odluke nisu potrebna dodatna finansijska sredstva iz Budžeta Zeničko-dobojskog kantona, te njeno donošenje ne proizvodi neposredne finansijske obaveze za Kanton.

Bosna i Hercegovina

Federacija Bosne i Hercegovine

Zeničko-dobojski kanton

Javna ustanova Centar za djecu i odrasle osobe sa teškoćama u razvoju Zeničko-dobojskog kantona

Upravni odbor

Broj: 05-03-11 /26;

Zenica, 18.06.2026. godine

Na osnovu člana 27. Zakona o ustanovama („Službeni list RBiH, broj:6/92,8/93 i 13/94) i člana 13. Statuta Javne ustanove Centar za djecu i odrasle osobe sa teškoćama u razvoju Zeničko-dobojskog kantona („Službene novine ZDK“, broj 1/15,9/17 i 18/19 a u vezi sa implementacijom projekta „BIHREC – Bosna i Hercegovina Zajednica obnovljive energije“), Upravni odbor na 5. hitnoj sjednici održanoj dana 18.06.2026.godine donosi:

ODLUKU

o pokretanju aktivnosti za pristupanje suosnivanju udruženja „Građanska zajednica obnovljive energije“

Član 1.

Upravni odbor Javne ustanove Centar za djecu i odrasle osobe s teškoćama u razvoju Zeničko-dobojskog kantona **prihvata** učešće Ustanove u projektu „BIHREC – Bosna i Hercegovina Zajednica obnovljive energije“, koji implementira Sarajevska regionalna razvojna agencija (SERDA), a koji podrazumijeva uspostavu prve zajednice obnovljive energije u Bosni i Hercegovini i instalaciju fotonaponske elektrane na objektu Poslovne jedinice Dnevni centar za djecu i odrasle s teškoćama u razvoju Visoko.

Član 2.


Radi realizacije projekta iz člana 1. ove odluke, Upravni odbor saglasan je da Ustanova pristupi aktivnostima suosnivanja i članstva u udruženju „Građanska zajednica obnovljive energije“, koje će biti uspostavljeno u skladu sa važećim propisima u Bosni i Hercegovini.

Član 3.

S obzirom da se radi o aktivnosti koja može imati statusnu, imovinsku i finansijsku važnost za Ustanovu, zadužuje se direktor Ustanove da putem Ministarstva za rad, socijalnu politiku i izbjeglice Zeničko-dobojskog kantona zatraži saglasnost Skupštine Zeničko-dobojskog kantona za pristupanje i učešće Ustanove u suosnivanju udruženja „Građanska zajednica obnovljive energije“.

Član 4.

Ova odluka stupa na snagu danom davanja saglasnosti Skupštine Zeničko-dobojskog kantona.



Dostavljeno:

- 1x Skupština Zeničko-dobojskog kantona (putem resornog Ministarstva),
- 1x Vlada Zeničko-dobojskog kantona (putem resornog Ministarstva),
- 1x Ministarstvo za rad, socijalnu politiku i izbjeglice Zeničko-dobojskog kantona,
- 1x Sarajevska regionalna razvojna agencija (SERDA) (na znanje),
- 1x direktor,
- 1x a/a.

T-24

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst (“Službene novine Zeničko-dobojskog kantona”, broj 7/10 i 3/23), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 133. sjednici održanoj 19.06.2026. godine, d o n o s i

ZAKLJUČAK

I.

Utvrđuje se Prijedlog Odluke o davanju saglasnosti na Odluku Upravnog odbora Javne ustanove Centar za djecu i odrasle osobe s teškoćama u razvoju Zeničko-dobojskog kantona, broj: 05-03-11/26 od 18.06.2026. godine o pokretanju aktivnosti za pristupanje suosnivanju udruženja „Građanska zajednica obnovljive energije“.

II.

Zaključak sa Prijedlogom Odluke iz tačke I. ovog zaključka upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02- 11- 12288 /26
Datum, 19.06.2026. godine
Zenica

DOSTAVLJENO:

1x Ministarstvo za rad, socijalnu politiku i izbjeglice,
1x Stručna služba Skupštine,
1x JU Centar za djecu i odrasle osobe sa teškoćama u razvoju
Zeničko-dobojskog kantona, putem Ministarstva,
1x a/a.



PREMIJER

Nezir Pivić